



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Opvs De Iudiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos &  
Festos, ab ipso Auctore confectus

**Stengel, Georg**

**Ingolstadii, 1651**

7. Luciae in procum potens pietas.

**urn:nbn:de:hbz:466:1-45686**

sumus, ad Euam primam matrem nostram, tanquam omnis mali originem, accusandam? Nec vnum duntaxat hoc exemplum occurrit:

Alia femina, & virgo vel ambita procum Christo est lucrata. S. Lucia Romani nominis Virgo, à barbaris capta, barbaros & ipsa cepit. Ea ob eximiam corporis venustatem, nobilissimosque mores (velut olim Iudith ad Holofernem) ad Ethnicum regem Anzaijam est adducta. Captus est primo aspectu barbarus; iamque vim parabat amore furens; eum illa heroidum fortissima, tota Christi ope nixa, in hæc animum verba effudit: *Scito, ô rex, me iam Deo cali nupsisse, illiusque sponsam, in illius sine ac tutela esse: cui magna cura est, ut me sibi seruet intactam illibatamque. Quare nihil dubita, te ab illo grauiter puniendam interficiendumque, si quid impuri tentaueris. Deus enim Deus Zelotes est: nec amulum potest, aut risualem suscinere.* O quam potens est Chritiana, pro virtute, libertas! ô si plures audent, in suâ, aut aliorum salutis causa apertè loqui! quam magnos saepe fructus legeremus! Pauca hæc Lucie verba, tantam vim habuerunt, vt vel barbarum regem Dei timore perculsum à flagitio absterrerent, virginemque integerrimam conseruarent. A cuius violatione non solum abstinuit Anzaya, sed etiam illam de virtute tantificet, vt eam in regia domo opiparè habitam, contra aliorum petulantias ac libidinem, quàm attentissimè custodirer. Nullum opus pietatis cælestis Pater relinquit absque remuneratione. Quare etiam hanc Anzayæ humanitarem, abstinentiamque insigniter compensauit. Siquidem per Lucie Virginis assiduas ad cælum preces, & plus quàm ab homine excogitata vtilissima consilia multas, clarasque, in bello, victorias regi est largitus. Ad eam castitas meretur triumphos. Neque satis fuit, per Virginem, vicisse, nisi etiam per eandem rectè credere didicisset. Siquidem castissimis eius exemplis, atque sanctissimis moribus motus, eam legem amplexus est, quæ tales mores faceret, Christi que se iugo subiecit. Videtis virginis captæ quanta fuerit potentia in capientem? Si potuit hoc in procum, quem repulit; quid potuisset in sponsum, quid in maritum, nisi maiori iam

VII.

S. Antonia.  
2. p. tit. 3. c. 1.  
§ 37.

iam antè sponso enupisset? Immo, quia nuptias carnis repudiavit, plus potuit. Siquidem rex Anzaya ad Christum conuersus, vt regnum quæreret non periturum, cum stupore omnium, regnum caducum deseruit sponte, ac, Lucia comitante, Romam est peregrinatus. Ibi ostendit, quid vir, quid miles, quid rex, à femina pia possit discere. Quippe Christum confessus Deum, crudeli Diocletiani mandato, cum sanctissima Virgine Lucia, alijsque viginti & vno Christianis, in carcerem coniectus, ac postea capite plexus, ad caelestem coronam æternaque cum agno nuptias euolauit. *Tanti dux femina facti,*

## VIII.

Itaq; non ad fidem tantum, per feminas, viri sunt adducti, verum etiam ad sanctitatem vitæ, constantiamque in fide, conseruanda atque profutenda. Quis nescit ordinem Iesuarum? Eius origo talis fuit. Anno 1355. agebat Senis, Ioannes de Senis dictus, nobili Columbinorum familia oriundus, qui vxore ducta, filium filiamque adeptus, in publica negotia, opesque priuatas augendas admodum intentus, cum aliquando videret, prandium desiderio suo, tardius à coniuge apparari, festinaretque prodire ad condictum, vehementius in eam excanduit. Illa, vt erat pia & modesta, rogauit, vt æquo animo esset, se properè omnia curaturam. Interea, temporis fallendi gratia, codicem antiquum illi porrigebat, de Vitis Patrum, legendum. Ille, vt erat iratus, codicem à se abiecit. Ita autem detumescente, penitens facti, librum de terra sustulit, aperuit, inciditque in vitam B. Mariæ Ægyptiacæ. In qua perlegenda ita incaluit, vt illico alius à se esse cœperit. Itaque rebus caducis omnibus spretis, cœpit pauperibus sese prestare liberaliorem, in templis sistere frequentiore, precibus diuinis exhibere affectiorem: quemque prius vxor ad sacræ historię lectionem inuitauerat, is iam illam vicissim incitabat, ad votum perpetuæ secum castitatis edendum. Exinde seuerè viuere, egenos & morbosos in domum suam pertrahere, ijs seruire, pedes abluere cœpit. Quin & inuentum leprosum, ante templi fores, vlcere coopertum, humeris susceptum in domum suam portauit, vt ei ministraret, qui quia, eo in templo rebus diuinis vacante, euauit, Elysijs quadam odoris fragrantia post

Ferrarius die  
31. Augusti.